



**KEMENTERIAN KESIHATAN MALAYSIA  
MINISTRY OF HEALTH MALAYSIA**

Kementerian Kesihatan Malaysia,  
Aras 12, Blok E7, Parcel E,  
Pusat Pentadbiran Kerajaan  
Persekutuan,  
62590 Putrajaya

Tel : 603-8883 3888  
Faks : 603-88886187  
Email : kkm@moh.gov.my

**KENYATAAN AKHBAR  
TIMBALAN KETUA PENGARAH KESIHATAN(KESIHATAN AWAM)  
KEMENTERIAN KESIHATAN MALAYSIA**

**SITUASI SEMASA DEMAM DENGGI DI MALAYSIA**

Bagi Minggu 48/2012 (25 November hingga 1 Disember 2012)

*“Peningkatan Kes Denggi di Malaysia”*

Kes Denggi di Malaysia terus menunjukkan peningkatan pada minggu ini apabila sejumlah 476 kes telah dilaporkan, meningkat 61 kes (15%) berbanding 415 kes pada minggu sebelumnya. Di Johor, berlaku peningkatan sebanyak 19 kes (58%), diikuti Sarawak 10 kes (20%), masing-masing 9 kes di WP Kuala Lumpur & Putrajaya (33%) dan Selangor (6%), Sabah 8 kes (36%), Kelantan 5 kes (19%), Kedah 4 kes (33%), Perlis 3 kes (150%), masing-masing 2 kes di Terengganu (33%) dan N.Sembilan (17%) manakala Melaka meningkat 1 kes (14%). Negeri Johor dan Selangor juga telah menunjukkan peningkatan kes untuk tempoh 3 minggu berturut-turut sejak minggu ke 46. Jumlah kumulatif kes Denggi yang dilaporkan dari Januari sehingga 1 Disember 2012 adalah 19,920 kes berbanding 18,097 kes bagi tempoh yang sama tahun 2011, peningkatan sebanyak 1,823 kes (10%).

Hasil pemantauan KKM terhadap indeks nyamuk Aedes dewasa menunjukkan kepadatan nyamuk Aedes yang tinggi semenjak 7 minggu lepas di seluruh Malaysia. Kajian populasi nyamuk yang sedang dijalankan di negeri Selangor dan Sarawak juga mendapati bahawa seseorang individu itu berisiko untuk mendapat gigitan nyamuk sekurang-kurangnya

pada kadar 2 hingga 5 ekor sejam. Kepadatan nyamuk dewasa yang tinggi ini menyebabkan orang ramai mempunyai risiko yang lebih tinggi untuk mendapat jangkitan Demam Denggi. Dengan ini, masyarakat setempat perlu mengambil tindakan segera dengan melaksanakan aktiviti cari dan musnah tempat pembiakan nyamuk di kawasan masing-masing serta menjalankan aktiviti gotong-royong setiap minggu bagi memastikan persekitaran kediaman sentiasa bebas dari tempat pembiakan nyamuk Aedes.

Di Selangor sejumlah 31 lokaliti dilaporkan mengalami wabak, diikuti WP Kuala Lumpur & Putrajaya 13 lokaliti, Johor 8 lokaliti, Sarawak 6 lokaliti, Sabah dan Perak masing-masing 2 lokaliti manakala Kedah dan Pulau Pinang masing-masing 1 lokaliti. Terdapat satu (1) lokaliti *hotspots* dilaporkan iaitu di Apartment Mawar Sari / Kenanga Sari di Parlimen Setiawangsa, WP Kuala Lumpur yang melaporkan sebanyak 4 kes.

KKM dalam usaha menangani wabak Denggi, telah mengaktifkan Jawatankuasa Wabak Denggi Daerah yang dipengerusikan oleh Pegawai Daerah dan dianggotai oleh semua agensi-agensi terlibat. Bagi daerah berwabak, Jawatankuasa ini akan bermesyuarat pada setiap minggu membincangkan perkara yang menjuruskan kepada usaha-usaha menangani wabak. Justeru itu semua agensi yang terlibat perlulah memberikan komitmen dan kerjasama bagi merealisasikan perkara ini dan KKM amat menghargai kerjasama yang diberikan ini.

## **DATUK DR LOKMAN HAKIM BIN SULAIMAN**

Timbalan Ketua Pengarah Kesihatan (Kesihatan Awam)  
Kementerian Kesihatan Malaysia

Disember 2012

**Lampiran A**

**KES DENGGI DILAPORKAN PADA MINGGU 48/2012  
(25 November hingga 1 Disember 2012)**

Bil.	Negeri	Bilangan Kes dan Kematian di laporkan		Jumlah Terkumpul kes denggi sehingga minggu 48/2012	Jumlah Terkumpul kes denggi sehingga minggu 48/2011
		Minggu 48 (25 November – 1 Disember 2012)	Minggu 47 (18 – 24 November 2012)		
1	Perlis	5	2	163 (1)	103
2	Kedah	16	12	753 (4)	460
3	P. Pinang	13	14	724 (1)	1,484 (3)
4	Perak	25	32	1,586 (5)	1,248 (2)
5	Selangor	168	159	8,265 (12)	6,978 (12)
6	WPKL & Putrajaya	36	27	1,653 (3)	1,870 (2)
7	N. Sembilan	14	12	496 (2)	698 (3)
8	Melaka	8	7	423	396
9	Johor	52	33	1,499 (1)	1,470 (6)
10	Pahang	10	13	592 (1)	835 (1)
11	Terengganu	8	6	701	617 (1)
12	Kelantan	32	27	1,142	662 (1)
13	Sarawak	59	49	1,325 (1)	890
14	Sabah	30	22	588 (2)	375 (2)
15	WP Labuan	0	0	10	11
	<b>MALAYSIA</b>	<b>476</b>	<b>415</b>	<b>19,920 (33)</b>	<b>18,097 (33)</b>

Nota: ( ) Kematian

**Lampiran B**

**SENARAI LOKALITI “HOTSPOT” DILAPORKAN SEHINGGA MINGGU 48 BAGI  
TAHUN 2012 (25 NOVEMBER - 1 DISEMBER 2012)**

Bil	Negeri	Daerah/Zon/ PBT	Lokaliti	Jumlah Kes	Tempoh Wabak Berlaku (Hari)
1	WPKL	Setiawangsa	Apartment Mawar Sari / Kenanga Sari	4	39